



武備志

百六十五之百六十七

ケ 5
61
57



々々

武備志



武備志卷一百六十五

防風茅元儀輯

占度載

占十八

占風一

茅子曰風角古知兵者所必詳也不待夜而仰觀不待時而候察吉凶之應在乎頃刻故風之理更微于他占察其八方析其五音感而通之在乎神明故我詳載其說以待志于斯者

武備志卷一百六十五 占度載 占風一

明治 年 月 日

凡風之體大抵海體積陰通於地氣氣出成風而赤黑近山風大而沉暄近海風大而昏黑軍聚埃與馬行塵起旋風作於一時暴風起于百里細風及于下方亦自然之理不主休咎各風勢動葉其來十里鳴條百里撼木二百里落葉三百里折枝幹四五百里飛沙石千里拔大木五千里半日半夜五千里一日一夜萬里三日三夜半天下七日七夜遍天下

凡大風之候若衆鳥噪空翻飛羣魚出水跳躍星

動搖日月昏暈雲片片相逐慘白慘黃聚散不常雲繞日雲脚黃雲行急日光搖太白晨見參宿動燈火燄作聲皆是

凡候風之法選高迥之地立五丈竿上作木盤盤內畫八卦十干十二支羅于上下安三足木鳥機關轉運使鳥銜花搖動即占之又法用雞羽八兩懸於五丈竿上安管中以驗所發之方八風遲緩疾速無風處有聲如奔馬炎如火則爲人氣所聚十人言語吼如雷發凡吉祥之風日色晴明聲氣

和緩從八方而來人心悅服凶災之風日色白濁
妻寒昏暗神靈叶怒別五音而定吉凶詳八卦而
知善惡若夫發屋折木者為怒風以彰愆愆揚沙
轉石者為狂風以戒縱逸錯雜從橫者為亂風為
任奸遠賢啾唧慘愴者為病風為疾疫大喪觸塵
蓬勃者為蔽風宜審災變扶搖羊角者為飄風當
察奸凶凜冽而破人肌膚者為殺風刑罰暴急猝
起而南北不定者為驚風上下不寧大風而黃霧
滾滾白日沉沉者人君昏悖政理乖違大風而叱

叱謫諒蒙蒙陰暄者大兵將至預防戰攻
凡風動皆不安之象如在山川空穴間風所出處
不可占若城營之內戰陣之所風勢異常日光昏
濁發屋撼樹揚沙捲塵乃可占之
無兵之時風雲相交為雨用兵之時龍虎相交為
戰太交大戰風為主雲為客風勝雲主人勝雲勝
風客兵勝

兩軍相當陳師原野未知勝負以先舉入他人地
者為客後舉自居其地者為主常以日納音占客

以時及風起之方占主人

疾風勃起拔木發屋曰耗風君德昏蔽兵火興災
暴風怒謔雲氣昏暈曰惡風國政昏亂急兵猝起
風鼓塵翳連月不止曰邪風國有大憂兵火災傷
急風陰晦連日不散曰寵風女謁煽禍人怨兵起
旋風損物歛舉上冲曰逆風在朝防失土宇在營
防敵冲襲

旋風攪土去而又來曰冤風下有冤柱伏尸告變
風聲哀鳴悲切連日曰哭風火災傷人兵受其敗

迅風作陣急緩不均曰敗風敵兵大敗我收奇功
風吹雨血地水赤流曰叛風奸邪謀逆兵起人災
風熱生蟲食苗之葉嚼人之衣曰殘風淫昏亂政
兵起大饑

風疾吹而木不動搖五穀茂而不實曰流風臣專
子奪民受其殃

風氣結聚昏黑籠蔽曰黑風君失其政夷狄侵擾
風氣結陣紅赤橫吹曰紅風賢士災憂奸邪兵起
風氣急吹中有火光曰神風寇賊起兵殺害忠良

風氣急吹行人無迹曰鬼風兵有異謀將受凶敗
 暴風急吹尖削刺人曰賊風賊兵聚勢暗行冲襲
 風寒逼人如水澆澆曰水風政濫兵起上下同災
 惡風逆吹發屋損物曰不順風臣易上政民流兵
 起
 木不動搖旱風傷禾曰不擇風私利蔽公民災國
 亂
 旋風入營吹倒兵仗曰昭報風急防敵冲縱火燒
 營

暴風卒起昏塵蔽天曰冥報風急兵卒至謹防冲
 襲
 雲霧隨風亂掩入營曰引兵風宜備驍勇護其入
 處
 暴風入營攻倒軍帳曰惡信風兵士謀叛急宜禱
 賞
 風勢温熱曰禍風賦歛無度民怨盜興
 風温不常蝗蟲暴生曰惑風君淫政慢國有變亂
 風不時常發於東北艮左其勢凄凉為水恒陰

代精六占風

風不時常起於西南坤方其勢暄煥為旱恒暘

風暴起聲若破鼓有兵必敗

天氣常風君不思善怨生亂作

大風暴起令急刑濫

旋風數日不止兵起屠城

大風拔木火災兵起

風起日下有雲烏潤吉蒼白為水為兵赤黃為旱

風起月下有雲烏潤凶赤白為旱為水災為兵喪

凡出軍之日暴風折旗幟大雨不止此天怒也必

待晴後擇日進兵

兵大舉出城逆風來即結營住守候過後即行更

審彼方假令三冬敵在乾而狂風從西北來則不

可攻八方之風準此

兵行之次風卒來突迫軍中人馬辟易前有神廟

祭之則吉

凡出軍風雲不興水草不動有風驟來牙旗折旛

繞竿或下垂者交戰凶一日將死

凡行軍道途急風甚雨沾濕人馬行步不利出軍

或連日有霧風聲錯亂蜜雲不雨皆防下人有謀
初出軍旋風旁起至前軍飄轉引道者軍必大勝
軍行回風相觸者中道必還戰亦無功
凡軍行有八難風生必須迴避敵來接戰必敗八
難風者遍歷八方回轉不定拔木摧屋吹塵蔽天
望在敵上急攻之勝在我軍嚴備勿戰行道逢之
宜結營寨令弱兵退守輜重奇兵強弩分據要害
猛將銳卒陳於軍前防其沖突擊其惰歸
初出軍人聲怯馬不嘶或從旁從後風起吹沙觸

塵人馬行過無跡名鬼風軍必敗

初出軍日時風從後來沙霧捲雲人馬壯嘶旌旗
前指鼓角響亮者全勝

風從旁來而向前者得天之助獲敵資糧敵人來
降

風從五音相生之方來生我爲母生子愛我生爲
子扶母天色清明風氣調暢者必勝

軍出之頃有風而草木不動者賊不可得
軍行有風驟來吹捲牙旗旛或繞竿者此爲天不

順上將死

軍行旗旛指後三軍戰敗將亡若半途逢賊分軍兩向或戰或住

逆風來攻旗旛脚不進者凶敗之兆一曰風雨從前驟來逆冲者謂之落尸大敗

凡入敵境三日內有風雨雷霆從我軍上發入彼軍戰大勝

凡軍入敵境未遇戰忽有急風來射我軍有雲乍東乍西迅速走者急收兵設備

軍行屯營風動旗旛不動如無風然遇敵不交戰而罷兵

若入敵境經要害駐城壘三日內有風雨雷霆從我軍上往彼去有怒威之氣此天助必剋城獲勝軍在敵境下營纔定未逢戰晝夜有急風來射我軍雲勢奔速乍東乍西急防賊兵逼我營寨

下營畢而風聲卒如雷鳴吹倒旗鎗須防敵至大戰流血若大風聲如雷吼三朝五日者占同兩軍相近各有營寨相守未經勝負當察風勢如

風勢遲緩而漸暴急者宜秣馬誓眾設備防賊至
必有大戰風後破軍方或賊方上來初起則塵土
蓬勃及至我軍上低小蕭索不緊者十里外兵不
交鋒名無戰風

營陣既列旗鼓初張暴風卒掩軍幕旗旛摧折者
此為惡兆主將失位軍人叛散大凶
風急繞住而敵人來者我軍必敗
臨陣風從後來戰大勝

凡軍行風從後吹來及鴉在後順風叫來戰大勝

若交戰風雨驟來者此名落屍戰大敗

凡風夜動晝止賊必夜來攻

風猛烈如雷者折木發屋飛沙走石急宜備之

風猛烈如箭急過無蹤名曰飄風當速避之

四季內忽猛風揭瓦揚沙所來之方必有精兵急
宜備之

若天氣昏沉風勢錯亂密雲不用為下謀上

風雲相交必見陣審其慢急隨入太吉

軍營內忽有旋風吹偃旗鎗弁撼帳幄者必有奸

武備志卷一百一十五 占度載 占 占風一

謀

旋風吹物上天人皆恐怖我軍有人與賊陰謀宜
撫將佐擣士卒則禍去矣

若與賊相近旋風歷歷至隨其所至設兵備之或
雲氣從外入敵城從入處攻之必克

旋風入寨亦為狂賊心宜嚴備

旋風入敵城從所入攻之破

風飄書物入營寨勿收取宜祭土地占

風飄物入營得敵土地大勝

營寨上有旋風歷過者隨所歷處將有寇至宜
備之

旋風入營寨揚土發屋倒戈折竿急宜設備

旋風在城營中吹物騰飛上空不宜固守

旋風飄衣騰起空中墜於營宅外有賊殺至平時

大禍不出一年

春甲子風主頒赦夏丙子風旱災兵荒秋庚子風

刑濫兵起冬壬子風水災國憂四季戊子風歲收

君吉頒赦

武備志卷一百一十五 占度載 占 占風一

甲日大風丙丁必雨不雨海中兵起乙日大風粟
貴夷狄兵起丙日大風有猝兵來圍急丁日大風
傷物人畜疾疫為旱戊巳日大風糴貴土功興或
遷巳庚辛日大風蟲生人病急備邊陲壬癸日大
風北虜侵邊

子日大風日光沉沉兵起水中丑日大風掃地揚
沙粟暴貴寅日大風赤雲四塞火災卯日大風黃
塵衝天蝗大生辰日大風民入堡居集大將出行
巳日大風蓬勃太旱午日大風乍疾乍遲人民流

散邊防事急未日大風日無光影土功大興申日
風聲如礮穀貴盜起酉日大風蕭蕭濡潤大雨水
災戌日大風塵霧橫天揚埃千里胡兵四起亥日
大風揚沙折木兵亂相攻凡風三日後有雨即解
甲乙日行軍西風損將東風勝一曰東風西風俱
不勝北風平和南風從後來大勝丙丁日北風損
將南風勝一曰東風大勝西風北風賊勝南風平
和對面風來凶戊巳日南風大勝東風損將一曰
東風不勝西風北風大勝南風小勝庚辛日南風

損將西風勝一曰東風西風俱大勝北風平和南風從西伐東勝壬癸日風從北來利從南來勝四墓風來必敗一曰東風北風平和西風南風大勝凡風從後來勝從前逆來凶又曰甲乙日東風損中軍南風有病西風損將北風險宜伏兵勝丙丁日東風損將南風損將軍伏兵吉西風平和北風勝戊巳日東風前有兵大戰南風損將西風伏兵吉北風損軍庚辛日東風有伏兵南風軍疾西風主憂北風損軍壬癸日東風敗南風損軍西風伏

兵吉北風大敗

十二支歲月日時占太歲在寅正月寅日寅時風從寅上來暴急寒慘者客勝餘並同刑占丑日戌時風從未上來寒慘者大戰流血主客俱傷丑刑戌戌刑未未又刑丑故云申日寅時風從巳上來占同子日卯時風從子上來客大勝風從卯上來主人勝辰午酉亥自刑之日風從其上來客勝若加時辰午酉亥風從其上來主人勝凡風從刑上來相衝擊者前路有賊兵突至凡風

逆刑我者伏兵卒起軍中凡風從刑上來坐者急起行者急走賊必至戰必敗移營設備警眾固守慎保無虞若戰將必死凡占月刑不出月日刑不出日風從刑來非惟兵爭凡事皆凶刑上發疾刑下發遲假令子日刑卯風從子來刑卯為刑下從卯來刑子為刑上其餘倣此

凡刑金為兵金日庚申辛酉是也刑木為喪木日甲寅乙卯是也刑火為火日丙午丁巳是也刑水為水日壬子癸亥是也刑土為土日戊辰

戊戌己丑己未是也

凡軍行逢歲月日時刑上風來必有將死若得王相客死死囚休廢主人死風從歲刑上來大軍人馬多死不出十歲天下兵起一云不出三日邑中大兵起風從月刑上來郡邑賊起風從日刑上來即日近境兵起主人敗散風從刑衝上來不出三日鄉兵起凡風從刑衝上來不動枝葉者無傷凡有災變必有怒聲寒慘如在軍將軍死兩軍相當暴風忽從三刑五墓上來塵昏蔽天鮮

葉茂條皆落乍起乍止者前後防有伏兵掩我無備若天色晴明風不寒慘者不成

兩軍相當風從歲月日時上來勢大而遲緩者准備攻戰大勝若風勢急速乍起乍止者有狂賊至小戰以日納音與風起時方占其勝負

旋風起三刑五墓上來者有伏兵勿戰戰必敗凡軍行有大風從三刑五墓上來不可戰宜避之若從五墓上來避之依五音日最吉

凡年月日時四殺五墓風從其上來白濁昏寒皆

為凶兆其日三刑最急坐不及起有賊暴至若行即防伏兵平時無兵防人謀害

敵城相近攻擊未克風勢從克上來射我軍經日不絕止而復起數日如此者賊有伏兵欲來襲我或賊救兵至宜整備待之當得賊城

八風北方廣莫風主冬至後四十五日四時暴風起北方主盜賊起天下兵動坎為水主盜賊

凍北方條風主立春後四十五日四時暴風起東北方良為鬼門鬼行入道多旱疫

東方明庶風主春分後四十五日四時暴風起東方人流盜興旱蝗歲饑震為木木精曰歲星主稼穡

稽
練南方清明風主立夏後四十五日四時暴風起

東南方人多病洩痢為風風者百病之長

南方景風主夏至後四十五日四時暴風起南方

有大災來年旱離為火也

西南方涼風主立秋後四十五日四時暴風起西

南方天下有兵坤為土為民為眾土動眾亂也

西方閭闔風主秋分後四十五日四時暴風起西

方主秋旱早霜天下兵動兌為金金精曰太白太

日主兵

西北方不周風主立冬後四十五日四時暴風起

西北方有盜賊相攻劫歲饑人流亡乾為金為寒

金主殺伐寒則傷物

凡八方暴風但風起其方即依上占京房曰八方

風候及八卦風氣春白夏黑秋赤冬黃皆為下逆

上兵革動各隨其部日辰占之凡八風折木發屋

飛沙走石三日不雨則占風為陽雨為陰陽得陰則解故怒風得雨而息亢極受制惡以善成

春孟條風仲明庶風季清明風和順時寒上水熱傷禾民疫

夏至景風和順時寒兵興水災人疫

秋孟涼風仲閭闔風季不周風涼吉熱未歲災旱疫寒兵起人疾

冬至廣莫風寒歲豐暖水起人災萬物不成

立春日正月戊申二月己酉三月庚戌有暴風從

西方來七日夜不止兵起西方

立夏四月辛亥五月壬子六月癸丑有暴風從北方來七日夜不止兵起北方

立秋七月甲寅八月乙卯九月丙辰有暴風從東方來七日夜不止兵起東方

立冬十月丁巳十一月戊午十二月己未有暴風從南方來七日夜不止兵起南方

凡兩軍相當先分八卦以察主客勝負若風從西北乾上或正北坎上東北艮上皆為利客宜先舉

若從正東震上東南巽上正南離上皆為利主宜
後舉若從西南坤上起主客俱不利若從正西兌
上來客有伏兵主人宜設備不則敗若從乾上客
舉兵必獲糧

八風不作陣勢氣味不甚掀大五風間或有八風
時常有乾風悠悠揚揚不疾不徐巽風平蕩悠長
順吹不歇兌風細細襲人條理不亂坎風尖削險
怪撮聚成旋離風明爽和緩若斷若續艮風剛大
激烈吹物上冲震風冲大渙散頓而復起坤風長

大包含遍野散漫

乾風來乾巽方國政理離方火焚宮坤方兵眾求
糧賞

兌風來離方宮中火坎方內侍陰謀坤方外夷重
譯

離風來乾方胡兵犯闕離方火焚宮震方歲旱火
災坎方妖邪陰謀

震風來乾震方嗣君登位坤艮離方王道興天下
平

巽風來兌方蝗生穀傷離方火焚內宮震方蠻夷
猶夏

坎風來乾方民求賑濟兌方姦宄成風離方民災
兵起震方謀立王侯巽方歲豐坎方陰謀於上艮
方兵亂坤方盜賊起亂

艮風來乾方外夷入貢兌方外國求婚離方旱災
巽方百穀不成坎方水旱相仍坤艮方旱荒米貴
坤風來離方大旱坎方后宮陰謀艮方內亂凡八
卦之日風從八卦而來吉遇此日行軍決勝

乾上有風吹倒旗旛此天怒不可攻

艮上有風帶黃黑色作鐘鳴者此夜有賊劫營損

兵

震上有風清涼無塵吹塵蓋簷捲者城內有賢士
不可攻

巽上有微風吹林梢自響者名叫噪風城內有靈
神助不可攻

立春日晴明少雲歲熟陰則旱蟲傷禾豆風從乾
來暴霜殺物穀碎貴坎來冬太寒胡兵內侵艮來

五穀熟震來氣洩物不成巽來多蟲離來旱傷物
坤來春寒六月大水人多愁土功兌來旱霜兵起
春分日東南有青雲歲熟晴明物不成風從乾來
歲多寒金鐵倍貴坎來豆菽不成民饑疾艮來夏
不熟米貴一倍震來五穀成亦無盜賊巽來蟲生
四月多暴寒離來五月先水後旱坤來小水人多
瘡痢兌來春寒八月國有憂有兵
立夏日南方有赤雲歲豐晴明則旱風從乾來其
年凶饑夏霜麥不刈坎來多雨水魚行人道艮來

山崩地動人疫震來雷不時擊物巽來其年大暑
離來夏旱禾焦坤來萬物夭死兌來蝗蟲大作
夏至日南方有赤氣則熟晴明則旱風從乾來寒
傷萬物坎來寒暑不時夏月多寒艮來山水暴出
震來八月人多病巽來九月大水風落草木離來五
穀熟坤來六月雨水橫流兌來秋多雨霜
立秋日有白雲及小雨則吉晴明物不成風從乾
來甚多寒雨坎來多瘧多陰雪寒艮來秋氣不和
震來秋多暴雨人不和草木再榮巽來內兵猝起

離來兵戎不利多旱坤來五穀熟兌來兵起將行
秋分日西方有白雲則善晴明物不成風從乾來
人多相掠坎來多寒艮來十二月多陰寒震來人
疾百花不實巽來十月多風離來兵動國南七百
里坤來土功興兌來五穀大熟
立冬日晴明小寒人君吉天下喜風從乾來君令
行天下安坎來冬雪殺走獸艮來地氣洩人多病
震來行人不安居多寒巽來冬溫明年太旱人去
其鄉兌來妖言為兵在山澤離來明年五月大疫

坤來水泛溢魚鹽倍多

冬至日有雲寒雪明年大豐晴明物不成風從乾
來強國有憂夏寒坎來歲美人安艮來正月多陰
雨震來雷不發大雨併興來百蟲害物離來冬溫
水旱不時穀貴人疫坤來多水傷苗民不安兌來
明年秋多雨兵起

正月朔風南來大旱西南來小旱西方來有兵西
北來有胡兵北來為中歲東北來為上歲東來太
水東南來人病歲惡八風各與其冲對多勝少疾

勝徐自旦至食時為麥食時至日晡為稷日晡至
晡時為黍晡時至下晡為菽下晡至日沒為麻風
從北來直客南來宜主吉西來宜客東來宜主西
北來宜客東南來宜主西南來有謀不成東北來
主客俱不利若風熱冷異常或暴急昏濁又當以
八卦暴風占之從乾來有憂兵坎來有大水艮來
人疾疫有蝗蟲震來太早有喪巽來多風傷五穀
離來歲旱太熱多火災坤來有疾疫道上多死人
兌來有兵爭

子日風從八方來大吉

丑日風從乾上來不利坎上來說得彼太平艮上
來宜退巽離上來大勝坤上來自伏兌上來主血
光不利

寅日風從艮震上來大勝巽上來軍自亂離上來
次日後軍大亂坤上來不宜戰兌上來次日降賊
兵乾上來急戰大破賊兵坎上來小戰

卯日風從艮震上來不利離上來戰獲將坤兌乾
坎上來勝

辰日風從乾坎艮上來必勝兌上來賊降

巳日風從乾上來不宜戰失將坎上來有亂謀艮

上來賊兵千里震上來大戰巽上來半勝離上來

大勝破國坤上來急備賊兵入寨兌上來有戰

午日風從乾上來小勝坎上來收賊兵艮上來太

亂震上來有大將加官巽上來大勝離上來百里

有客兵來降坤上來獲軍糧草兌上來萬里遠征

未日風從震上來不宜戰兌上來主血光

申日風從乾坎上來大勝艮上來主勝一云夜半

有賊兵劫寨震巽上來大亂遇回兵即吉離上來

有伏兵一云小勝坤上來凶兌上來大軍絕糧

酉日風從乾上來絕糧艮上來主勝離上來六十

里有伏兵坤上來百日内有兵圍城兌上來主敗

客勝

戌日風從乾巽上來大勝兌上來急備奸人入寨

亥日風從八方來吉

三辰八角風例申子辰日艮辱震殺巽反離吉坤

抵兌誕乾忿坎爭巳酉丑日巽辱離殺坤反兌吉

乾抵坎，誕艮，忿震，爭寅午戌，日坤，辱兌，殺乾，反坎，
吉艮，抵震，誕巽，忿離，爭亥卯未，日乾，辱坎，殺艮，反
震，吉巽，抵離，誕坤，忿兌，爭凡，風從，辱上來，有耻辱
事從，殺上來，有篡逆，叛殺事行道，逢之，有相殺人
來過，致遭傷損，從反，上來，有反逆不平之事，從吉
上來，有喜慶，事行道，逢之，有賢人君子相見，有宴
會從，抵上來，有非禮抵觸，事王相，貴人相沖，休廢
庶人囚死，罪人相連，從誕，上來，有妄誕之人相欺
詒從，忿上來，有非理分辯之事，從爭，上來，有奸人

來爭財物，及格鬪等事，官宅之中，回風亦占
八逆風，立夏巽，壬風從，乾來，爲一逆，小凶，立春艮
壬風從，坤來，爲二逆，兵起，人大怒，立秋坤，壬風從
艮來，爲三逆，穀不實，立冬乾，壬風從，巽來，爲四逆
人逃，秋分兌，壬風從，震來，爲五逆，帶刀入市，冬至
坎，壬風從，離來，爲六逆，人民潰散，夏至離，壬風從
坎來，爲七逆，臣下爲亂，春分震，壬風從，兌來，爲八
逆，殿上有刺客，已上八逆風，若帶刑殺，昏黑寒慘
日色白濁者，大凶，立春艮，壬震相與，胎離沒坤，死

兌囚乾休坎廢春分震王巽相離胎坤沒兌死乾
囚坎休艮廢八節並依此次第推之

凡占風以方位為主風為客離方官風防失土地
震巽方官風必獲土地坤艮方商風防失輜重離
方商風得敵輜重坎方角風防截糧水乾兌方角
風可截糧道震巽方微風防火燒營坎方微風可
焚敵營乾兌方羽風防失賞賜坤方羽風可灌敵
水此以我坐我剋為占方位為我
官風來乾兌方可復中土來坎方敵毒其水商風

來坎方可得兵助來震巽方敵截糧道角風來離
左防敵火攻來坤艮方可分敵土微風來坤艮方
防敵火攻來乾兌方敵奪輜重羽風來震巽左防
敵灌水來離方可灌敵水此以生我剋我為占
亥子日時震巽方風我勝得糧離方風防敵灌水
寅卯日時離方風我宜火戰坤方風防失土地巳
午日時坤艮方風我勝得地乾兌方風防失輜重
申酉日時坎方風我勝截水震巽方風防截糧水
辰戌丑未日時乾兌方風可奪輜重坎方風防敵

武備志卷之三 占度載 占 占風 三

毒水此以日時生尅方位為占

亥子日時角風敵兵得助徵風可截敵糧寅卯日時徵風防敵火攻宮風可分敵土巳午日時官風火攻分土商風可奪輜重申酉日時羽風防敵毒水角風可截敵糧辰戌丑未日時商風防奪輜重羽風可截敵水此以日時生尅風音為占
乾為折風位西北風從折上來主人將死客勝
坎為大罡風位正北風從大罡上來利先發主人不勝客勝

艮為斗罡位東北風從小罡上來主人不勝客勝
震為究風亦曰嬰兒風位正東風從嬰兒上來客軍不勝主人勝

巽為小弱風位東南風從小弱上來利後發客軍不勝主人勝

離為太弱位正南風從太弱上來敵方至利後發客軍不勝主人勝

坤為諫風位西南風從諫上來利後發客軍不勝主人勝

武備志卷一百六十五
兌為衝風位止西利先發主人不勝客勝

武備志卷一百六十五

武備志卷一百六十六

防風茅元儀輯

占度載

占十九

占風二

凡五方之風以納音為論若風發屋折木揚沙走石至三日以上乃占不然雖凶亦無太害兩軍相遇以其日納音為客時與來方為主時方制音利為主後應納音制時宜為客先舉若相生為和睦

支辰五音子為陽宮土主帝王丑為陽徵火主旱
主火災官寺口舌寅為陽徵火主旱主火災烽燧
卯為陽羽水主雨主水主霧辰為陽商金主大將
主吏士巳為陽角木主疾病憂患午為陰宮土主
后妃未為陰徵火主旱申為陰徵火主蝗疫酉為
陰羽水主雪霜冰雹戌為陰商金主小將主兵力
亥為陰角木主死喪哭泣自子至巳皆為陰律所
生故為陽自午至亥皆為陽律所生故為陰
納音五音甲子壬申甲午庚辰壬寅庚戌為陽商

乙丑癸酉辛亥乙未辛巳癸卯為陰商丙寅戊子
甲辰甲戌丙申戊午為陽徵丁卯巳丑乙巳乙亥
丁酉巳未為陰徵戊辰庚寅壬午壬子戊戌庚申
為陽角巳巳辛卯癸未癸丑巳亥辛酉為陰角庚
午丙戌戊申戊寅庚子丙辰為陽宮辛未丁亥巳
卯巳酉辛丑丁巳為陰宮甲申壬辰丙午甲寅丙
子壬戌為陽羽乙酉癸巳丁未丁丑乙卯癸亥為
陰羽凡受宮商角徵羽皆做此
太風噴薄如吹火其聲中宮官屬土聲怒土木工

與如吹火主兵火也風聲清切如裂帛其聲中商
商屬金聲怒征伐兵起聲平歲疫人死大風嗚咽
高下不齊其聲中角屬木聲怒兵戈起風急而
寒大兵風烘烘然如炎火其聲中徵屬火聲怒
兵火災風激揚如湍流其聲中羽屬水聲怒奸
邪暗起有冰災

五音風聲宮風大則聲隆隆如洪鐘小則如牛鳴
窖中作洩酸濁微氣商風大則聲鏘鏘如環珮小
則如離羣羊作銅辛血腥氣角風大則聲號號如

震落如千人語小則如雞登木作烟焦燒髮氣微
風大則聲烈烈如燎火小則如鷹喚子作硫黃火
藥氣羽風大則聲澎澎如湧浪小則如蛙鳴渚作
水腥魚腥氣

風勢殷殷如車如雷如擊鼓聲者為宮其將寬和
風聲如金石如襍佩如鸞和者為商其將威猛而
好殺風勢舒徐動林木者為角其將仁恕不可詐
欺風勢如奔馬如炎火者為徵其將猛烈難與爭
鋒風勢如流波相激者為羽其將貪暴多奸詐

風宮音如牛鳴窖中急惡土功大興其風由官方
生山摧斫崩角方蝗蟲敗穀商方大水徵方虎狼
為害羽方大雨陰寒

商音如離羣羊其風由商方起有鬪兵羽方夷塞
關梁官方后憂角方國有兵徵方君令急行兵凶
角音如千人呼嘯拔木則賊來戰其風起角方急
兵入郭商方君令急暴兵起官方土功作羽方人
災其野荒徵方火災

徵音如縛籟聲嘶發屋有急事來其風自徵方生

火災角方旱災土功興官方火災人哭泣商方
兵鬪羽方寶物出國

羽音如揚米如擊濕鼓怒則糴貴兵發其風從羽
方來霜雹大雨商方兵鬪將憂官方暴寒傷物徵
方臣民有憂角方城圍不解

四季受官之日風從四季上來飛土揚塵發屋折
木而天色溫和時加子午及子午上止者當有邊
夷入貢寒尅則不至受商受官之日風從四季上
來其勢叫怒時當子午兼帶刑殺或申子亥卯上

來其勢急速者當有夷兵犯塞風勢寒尅必成四季受角之日時加子午風勢緊急從四季上來中國將伐四夷風止之處爲所伐之地止辰伐東夷止未伐南夷止戌伐西夷止丑伐北夷若風止有雨景色溫和即不行受徵之日大風發屋折木從丑寅未申徵方上來乍徐乍疾時加子午雷火災發受羽之日風從卯酉上來天陰雨潤人心悲慘連三日者當有暴雨大水驟至又有風雨蕭蕭潤氣勃勃從卯酉上來必然大雨水溢

宮日風從子午宮來動官主出行急風急出有惡令慢風慢出有喜令以甲子占遠近風從陽宮來山崩君出地動有土功旱災風從陰宮來爲地震裂若后有行又爲旱風從子午宮來時加子午爲重宮君欲行大臣走風雨不調風從丑未寅申徵來爲官動徵有火災有土功寶物出有兵時加徵爲重徵有義兵行有詔令謂之義風風從卯酉羽來爲官動羽且有太雨不則大臣出走若復爲旱官君羽臣怒故臣走官土羽水土盛水衰則火起

武備志卷之五
故復為旱風從辰戌商來為宮動商有兵行且有
客兵來時加辰戌為重商有兵殃風從巳亥角來
為宮動角有兵戰主人憂客兵傷從陽角來邊兵
戰太風從乾上來有暴雨湧水若風不揚塵氣色
和暢日光明盛不寒慘者國有喜良來為凶喪良
為鬼門死亡之兆吳來蝗蟲生害五穀以風止之
左決其所所在角雜羽為水死雜徵為燒死雜商為
兵死雜宮因死純角病死太風止日時方位徵多
為火羽多為水商多為兵為粟貴角多為疾疫宮

多為吉風從徵羽來民不安角徵來火起角來兵
疫官羽商來雜貴羽來水澇又曰諸宮日風頻起
白日沉冥霧氣四塞或熱或寒邊境不寧大臣逆
命

商日風從陽宮來戒太子忌恐大臣有急兵風從
北方來庶子有憂有急變起北方風從徵來國邑
受命兵行將在列兵還不戰臣受命令而行徵為
號令商為兵商受徵尅故兵退從羽上來大雨水
歲大旱荒國憂亂有兵起東方羽水從金生故有

武備志卷之五 占度載 占一占風一

太兵大水之事風從陽商來有白衣聚眾自立且有太水關梁不通大將出忌外兵邑有小寇人君憂國門四閉兵在四方風從陰商來國有大殃粟貴邑有兵風怒期七日若七十日有急令兵大起商爲金二金並行故爲有大兵風從陽角上來有狩兵有急令風從角上來時加商角米貴人疫風從徵商角來粟貴人疫

風從陽角來邊兵起人主憂有賊至戰不勝多死亡從陰角來有兵大喪風從角徵上來火災粟貴時加角有喪有兵戰盜賊起粟貴民饑野多死人時加角徵或從他處起止於角徵皆爲火災又曰角日風疾天子昏大兵起

徵日風從丑寅來有火災君有恐風從陽商來有急兵人主出以兵自守期七日若七十日從陰商來邊有急兵戰風從羽來四隣有事實貨出又曰四夷有兵風從陽角來有邊兵從陰角來邊有驚

火時加徵怒風蓬勃從商上來天色黃黑疾作火燒倉庫止於商徵者事疾時加羽風蓬勃從徵商角上來天色昏冥為火燒市肆

羽白風從陽宮來君有更令邊兵起將受命有聚會有寒雪雹從陰宮來暴寒傷物有水土兵集風從陽徵來國有兵有急令臣有憂關梁塞道路不通風從陰徵來邊兵疫風從羽來有白衣聚有木喪大寒雹期五日若五十日且有大雨雨從南方來國有憂人多病雨從北方來賊聚水中且有雷

雹陽羽日應陰羽夜應風從商來有兵圍城不戰邊有急關梁不通大雨客軍不利風從角來邊有兵圍城城破一曰兵不解時加巳亥為重角有圍城有大喪時加官風起羽有疾疫以風止處為災發之期寅則正月是也風從商角上來時加徵者月內米貴人不安又曰羽日風疾天子昏本人疾疫多盜賊

官風發屋折木有土功官土人君內煩不出十日遠百日貴臣相捕斬天下兵起盜賊滿市人饑不

救車馳馬奔流亡不止微風發屋折木有火災不出三日若二十日四方告急百姓恐驚自亂折風發屋折木不出五日若五十日糴大貴人以水爲憂有太喪珍寶出商風發屋折木不出七日若七十日有急令兵大起糴大貴國四門閉關梁塞一曰兵從中起角風發屋折木不出九日若九十日有急賊鬪戰糴大貴民饑相食有太喪疫癘斯皆係風聲占與日辰五音不同然亦以日辰來方相參課之

若鳴條以上怒風起止皆以五音五行相尅言言凶其下主客之法卽日辰所得納音五行是客時下十二辰與風所來方爲主則可見勝負矣假令甲子納音屬金是商又加巳亥上角木方風來是金尅木乃客凌主主必敗若得丑未寅申風主勝客敗

凡初出軍日風從亥上來衝霧捲雲人強馬壯鼓角聲清音震必獲全功若從傍而來前軍必得天助獲敵糧有降我者

若軍行風從五音相生上來風氣調暢勝捷成功
假令巳亥角風從卯酉羽上來此是母來甥子或
從丑未寅申上來此是子來投母出軍多勝
凡中國欲伐夷狄當視四季受角之日日中夜半
風勢緊急從四季上來當於風所指處伐之戊辰
戊戌癸丑癸未受角日也辰戌丑未為四夷角木
尅制四季土故爾

若四季受宮之日風從卯酉羽上來皆戰賊兵解
散丙辰丙戌辛丑辛未受宮日也尅所不勝故戰
而散

凡五音之日風來色黑不觀人面先緊後慢經刻
止者主疾病惟官日直占在君其下四日以日占
其地大臣死民流亡期以支干合數假令甲子日
二十九之數近十八日遠八十日更遠則九年

東方寅卯之角國有大寇人多疾病庚寅辛卯是
也寅卯之徵有妖言惑眾鬼神作祟又為火災丙
寅丁卯是也寅卯之商大兵攻伐出燕趙壬寅癸
卯是也寅卯之羽有霜雹水災蝗蟲起甲寅乙卯

是也寅卯之宮帝不安其都有遊幸出喜令以財物賜庶人戊寅巳卯是也

南方巳午之徵夷狄侵害遠人邪謀乙巳戊午是也巳午之羽有江海賊或水中船害人癸巳丙午是也巳午之商大臣用事人民作亂辛巳甲午是也巳午之角牛羊疫魚死水中民少移動巳巳壬午是也巳午之宮天子欲警暴亂賞有功逐佞人封有德丁巳庚午是也

西方申酉之商軍民內移舟行沒溺壬申癸酉是

也申酉之角人民災奸兵起庚申辛酉是也申酉之宮臣爭財賂不恤國事戊申巳酉是也申酉之徵內臣謀逆丙申丁酉是也申酉之羽霜雹非時秋水災兵動水賊起民疾病五穀不熟甲申乙酉是也

北方亥子之羽蝗蟲卒起霧傷萬物癸亥丙子是也亥子之商外兵爲惡水中賊起辛亥甲子是也亥子之角公卿憂喪巳亥壬子是也亥子之宮土功興兵起丁亥庚子是也亥子之徵皇后憂太子

震乙亥戊子是也

四季辰戌丑未之宮有土功人流移牛羊疫丙辰
丙戌辛未辛丑是也辰戌丑未之商五穀不熟民
多災死庚辰庚戌乙丑乙未是也辰戌丑未之角
夷兵起人作難寶物出戊辰戌戌癸丑癸未是也
辰戌丑未之徵山賊流言民人驚怖逃亡甲辰甲
戌巳在巳未是也辰戌丑未之羽妖言流播眾庶
移徙壬辰壬戌丁丑丁未是也
六情干屬一曰本情甲乙主之二曰合情丙丁主

之三曰刑情戊己主之四曰衝情庚辛主之五曰
鈞情壬癸主之本情用本日支辰合情用本日支
辰所合刑情用本日支辰所刑衝情用本日支辰
所衝鈞情陽日用本日支後第三辰陰日用本日
支前第三辰

本情甲子陽商貪狼乙丑陰商公正甲申陽羽貪
狼乙酉陰羽寬大甲辰陽徵奸邪乙巳陰徵寬大
甲戌陽徵公正乙亥陰徵陰賊甲午陽商廉貞乙
未陰商奸邪甲寅陽羽廉貞乙卯陰羽陰賊

合情丙寅陽徵陰賊丁卯陰徵公正丙子陽羽公
正丁丑陰羽貪狼丙戌陽宮陰賊丁亥陰宮廉貞
丙申陽徵寬大丁酉陰徵奸邪丙午陽羽奸邪丁
未陰羽廉貞丙辰陽宮寬大丁巳陰宮貪狼
刑情戊辰陽角奸邪巳巳陰角貪狼戊寅陽宮寬
大巳卯陰宮貪狼戊子陽徵陰賊巳丑陽徵公正
戊戌陽角奸邪巳亥陰角陰賊戊申陽宮廉貞巳
酉陰宮寬大戊午陽徵廉貞巳未陰徵公正
衝情庚午陽宮貪狼辛未陰宮公正庚辰陽商公

正辛巳陰商陰賊庚寅陽角貪狼辛卯陰角寬大
庚子陽宮廉貞辛丑陰宮奸邪庚戌陽商奸邪辛
亥陰商寬大庚申陽角廉貞辛酉陰角陰賊
鈞情壬申陽商寬大癸酉陰商貪狼壬午陽角陰
賊癸未陰角公正壬辰陽羽公正癸巳陰羽貪狼
壬寅陽商陰賊癸卯陰商廉貞壬子陽角寬大癸
丑陰角奸邪壬戌陽羽奸邪癸亥陰羽廉貞凡言
六情日依此時此方止用支辰以本情占之
六情支屬一曰貪狼申子主之二曰廉貞寅午主

之三曰陰賊亥卯主之四曰奸邪辰未主之五日
寬大巳酉主之六曰公正丑戌主之

六情風鳥所起加時占申子貪狼之日時加申子
鳥鳴其上王相當言羣賊攻劫休廢囚死有竊盜
事時加寅午有善人說攻劫事時加巳酉有酒食
言攻劫事時加丑戌有盜賊詞訟或文書追盜賊
事時加亥卯王相則有羣賊攻劫休死小盜時加
辰未_有婦人說盜賊事

寅午廉貞之日時加寅午鳥鳴其上王相當言長

吏休廢囚死為僕役有諫諍事時加巳酉有遠書
至時加申子有酒食爭財物事時加辰未_有陰私
口舌時加丑戌有酒食時加亥卯有酒食起爭殺
亥卯陰賊之日時加亥卯鳥鳴其上王相羣賊大
戰囚死有爭鬪殺傷時加丑戌有吏逐賊相害時
加寅午有婦女鬪傷事時加辰未_有好事鬪傷時
加申子_有兩賊自相攻劫
辰未奸邪之日時加辰未鳥鳴其上王相有長吏
來言捕獲事囚死有口舌事時加寅午有恭謙人

言奸淫事時加申子有陰謀爭鬪劫盜事時加亥卯有賊兵相害事

巳酉寬大之日時加巳酉鳥鳴其上王相當言長吏休廢囚死當日酒食時加寅午有酒食辭讓事時加丑戌有酒食口舌訟事時加申子有酒食爭財事

丑戌公正之日時加丑戌鳥鳴其上王相有長吏政理之事休囚有吏來慰問時加巳酉有宴饗賜與時加寅午有辭讓慶賀時加辰未有吏來說陰

私盜賊事時加申子有吏來說財賦欺詐事時加亥卯有吏來說盜賊相殺傷事凡六情之日鳥鳴及風起於本情方上則課其時依上占之

凡陰賊之日有飄風從四季辰戌丑未上來時加四季或羣鳥飛從四季上來時加四季皆為有閉門搜索之事若值林囚廢死即在近道假令風起其方若羣鳥疾飛從其方來即時搜索欲知所捕何事時加丑戌則是讐怨辰未則是盜賊或殺人賊亥卯王相是大賊凡寅午廉貞巳酉寬大丑戌

公正若風和暖日清明皆吉主恩命慶賀申子貪
狠亥卯陰賊辰未奸邪日風寒慘日昏濁皆凶主
陰謀賊害看王相休囚准備無失凡奸邪受官之
日怒風從官上來止於四季風氣寒慘城中兵亂
起夜殺長吏四出不禁期七十日遠九十日奸邪
受官丙辰辛未日也辰未奸邪納音官土子午官
方風來止於辰戌丑未上為四季也凡受商受角
受徵受羽皆為納音並做此

凡日中夜半風從申子亥卯上來夜發晝止日中

大寒不解敵必夜來攻城劫寨不避風雨主將
之期五日若十日蓋申子貪狠亥卯陰賊子午官
土城寨之象夜半有怒風乍起從四季上來而止
於四季者中國欲伐夷狄所以然者中國中土東
狄邊土夜半夜之中也子為官土中國主之四季
土居四隅夷狄主之

凡旋風卒起官宅內或從外入飄揚衣服發屋墮
瓦必有暴卒橫事若從歲月日時德上來或止於
德方德合之方值德合及寬大之且其辰王相則

有吉事乍至若從歲月日時刑衝墓殺上來或止刑衝墓殺方或日辰凶死皆為凶事貪狼陰賊奸邪日辰大凶軍必移營戰必退守行者急走坐者急起避之旋風起席間平時失官有軍戰敗行軍忽旋風從前來逆衝防有伏兵潛謀等事旋風忽從後來逐人清明吉寒濁凶旋風忽從傍起或橫衝當面截過皆凶並用日辰支干納音加時刑德六情五音占之行道有旋風四面圍迫宜迴避設備官防夜來劫營商防賊兵掩至角防林麓埋伏

徵防火災羽防雨水暴溢

角日旋風突起從角來其地有死喪事

羽日旋風突起戒行舟防沒溺

凡在官宅營帳中有旋風徐徐繚繞清明和暢漸向前來有賢人君子至或為使命喜慶之事

凡行道暴起旋風突從廉貞寬大公正上來與本命行年相生則為喜事相迎從奸邪陰賊上來與本命行年相尅防賊兵衝殺陰謀傷害若蓬勃寒慘又加刑殺太禍即至本命即所生太歲支辰是

武備志卷之六
也。行年，即男從一歲起，丙寅輪推之，如十一歲數，至戊寅二十一歲數，至庚寅一歲移一辰挨去，是也。

觀風占賊數視所從來之方為月期所發時辰為道里人數。乘王氣十倍五倍休廢如數，囚死刑衝減半假令風從坎上來起夜半止日中坎居子位期十一月夜半子時一數九在九里或九十里或九人或九十人大數如月日時方干支並王當為千萬人數甲巳子午九乙庚丑未八丙辛

寅申七丁壬卯酉六戊癸辰戌五巳亥四

凡壬辰主東夷其日風從辰上起七日東方海賊動期四十日

癸未主南夷其日風從未上起七日南夷內侵期七十日

壬戌主西夷其日風從戌上起七日以上西羌反期五十日

癸丑主北夷其日風從丑上起若七日九日匈奴大舉入寇八日以上風叫怒者凶

凡壬辰壬戌壬子壬申日有風從子上來一百以
上昏慘暴急此水內大賊欲攻王國凡風大寒冽
透骨不解皆為賊發一曰大風寒則夜至近期七
日遠不出二十日從王相來賊發疾囚死來賊發
遲

壬戌癸亥乙卯壬辰甲申丁未六日有風從申子
亥卯上來水中兵起相殺近期五日遠五十日以
上六日皆受羽申子貪狼亥卯陰賊故也
諸羽日大風昏霧夜從申子上來陰寒迅急當雨

不雨水賊攻絕津梁道路不通近期五日遠五十
日

丙辰辛未丙戌辛丑四季受宮日風從四季上來
折木揚沙五日以上至九日止子午上此為夷狄
君長來朝或遠夷入貢近期五十日中百日遠百
五十日天色溫和清明至寒慘不至

壬辰癸未壬戌癸丑四季之日有風從申子亥卯
上來迅急寒慘連三日至七日此邊界長吏聚眾
結連夷狄內侵郡國晝伏夜來猝起作逆期七日

或七十日凡風從貪狼陰賊奸邪上來蓬勃陰慘
夷狄反叛

庚辰乙未庚戌乙丑四季受商之日時又加商風
從亥卯辰未上來止於子午五日至九日勃怒不
解夷狄起兵若風生中止或更轉巳酉寬大上來
賊必自退近期七十日或百日若風雖急
暴不昏慘蔽日止於子午或從子午上來或時加
子午散氣霑濡若雨濕然皆賊兵中道解散之兆
四季受商日怒風從四季上來外夷欲屯聚寇掠

不出七十日若從四季上來初不蔽日復從四季
于午卯酉上來時加陰賊或又從陰賊方來寒慘
迅急日無光者夷狄兵起中道自相殘殺不至近
九日十日遠二十日

奸邪公正受商之日大風暴怒從奸邪公正上來
為夷兵犯塞十日不止千里來二十日不止二千
里來期七十日辰未奸邪丑戌公正四季日也故
云

諸四季日暴風卒起及遊風半日須臾止者為千

里外兵來不則近界羌戎爲變風小事小風大事
大方

凡大風從四季上來止於子午氣象清明天色和
暖爲四方邊界欲來歸順隨日切占之

凡四季主關津道路主管篇主遠方賓客占外國
外夷州界

凡受羽日風從卯酉上來陰濁寒慘連三日者必
有暴風雨大水驟至若風來帶刑殺及起於貪狼
奸邪陰賊日時則有水中賊起

諸亥卯受角之日怒風從丑未上來時加申子賊
用火攻若時加廉貞公正此仇怨相殺不出三日
六日以日占其地蓋亥卯木所生主者也角屬木
丑未徵火水因火發也申子貪狼禍心生也廉貞
公正本於陰賊怨所起也

諸徵日時加徵暴風卒起天色清明有檄書至爲
火災事近期三日遠三十日以日占其國

凡占火得巳酉時誤相殺也得丑戌時仇怨相殺
也若徵風三日以上天色赤黃至七日不解天災

火起千里相望有大雨即解

歲月日時方德刑墓殺例于德甲丙戊庚壬為陽
陽德自處甲德在甲丙德在丙戊德在戊庚德在
庚壬德在壬乙丁巳辛癸為陰陰德在陽乙德在
庚丁德在壬巳德在甲辛德在丙癸德在戊戌分
寄於奎壁巳分寄於角軫天門地方之位也

支德歲月日時子德在巳丑德在午寅德在未卯
德在申辰德在酉巳德在戌午德在亥未德在子
申德在丑酉德在寅戌德在卯亥德在辰以次順

後五辰是也

月午德寅午戌月德在丙亥卯未月德在甲申子
辰月德在壬巳酉丑月德在庚

三合申子辰合亥卯未合寅午戌合巳酉丑合
干德合甲與巳合乙與庚合丙與辛合丁與壬合
戊與癸合

四殺者劫殺災殺歲殺戊巳殺是也假令申子辰
年月日時劫殺在巳災殺在午歲殺在未巳酉丑
年月日時劫殺在寅災殺在卯歲殺在辰寅午戌

年月日時劫殺在亥災殺在子歲殺在丑亥卯未
年月日時劫殺在申災殺在酉歲殺在戌戊巳殺
者流戊就巳坎離成象變動不居所謂都天殺者
是也假如甲巳之年殺在辰巳乙庚之年殺在寅
卯丙辛之年殺在戌亥丁壬之年殺在申酉戊癸
之年殺在午未其法每年但尋月建天干值戊巳
者是也

五墓者歲月日時干支木火土金水所墓之方也
武備志卷一百六十六

武備志卷一百六十七

防風茅元儀輯

占度載

占十九

占蒙霧

茅子曰吾聞之陰陽氣亂而為霧霧者百邪之氣
本於地而應於天是謂陰來冒陽其占為臣蔽主
明小人擅權不利於上蒙者濛濛日不明也又曰
在天為蒙在地為霧日月不見為蒙前後人不見

武備志卷一百六十七 占度載 占蒙霧

為霧陰陽交錯邪正相干人君不悟必有亡國故
總次之

凡連陰十日晝不見日夜不見月亂風四起欲雨
而無雨名曰蒙臣謀君故曰久陰不雨臣謀主
曰謀之乃敗

霧氣若晝若夜其色青黃更相掩冒乍合乍散臣
謀逆者喪

凡霧氣不順四時逆相交錯微風小雨為陰陽氣
亂從寅至辰巳止周而復始為逆者不成積日不

解晝夜昏暗天下欲分離

霧起帶塵如土者主兵起

凡天地四方昏蒙若下塵十日五日以上或一月
或一時雨不沾衣而有土名曰霾語曰天地霾君
臣乖不大旱外人來

凡陰晦不見日星昏蒙氣襲入慄慄傷傷者兵亂
之氣

凡霧連五日不風不雨其地亂兵起
日出而霧連五六日已上期六十日兵起

日中霧起至昏不止其地易主

凡兩軍相當霧散不見日光舉兵後取勝

四時日出即有霧其地大擾

凡霧氣四合百步不見人名曰晝昏不有破國必有滅門

霧乍合乍散臣有謀逆不成自亡

霧從四方來合於中即為兵起

霧起四方中心赤色者主大凶

霧終日終時君有憂色黃小雨白為兵喪青為疾

黑有暴水赤有兵喪又黃言土功或有風

霧下色如黃土名曰黃霧百姓奔亡又曰黃霧四

塞國亂兵起

霧四面圍城必有兵不出其日至城下無兵不出

百日兵起

攻寨之際霧遠寨壘忽然一面無者隨無處攻之

必尅

白霧四面圍城霧不入城城不可攻霧入城其城

必亡

霧起一面二面無者隨其有處攻之必破

霧透城中無者主將不吉兵難

霧從城中出外吉士卒潰散

對敵時有霧來似雨紛紛入眼彼軍馬步一時來也宜防備吉

兵發之日霧從敵邊來者此為天泣血當駐泊猶軍則吉

久陰霧色帶紅更被黑風吹者上吉一日久陰有霧鮮紅者主太兵起

城營上有霧似懸屍急移營吉

軍營內久霧連朝晝夜不開出軍必敗

城營內大霧起城頭白色沙烟兵戰有喜

大霧城上日色如烟者主兵大起

青黃霧騰罩山川乍開乍合者防詐偽

凡攻城有霧西北來帶青色漸漸向軍來名曰天赦主上成功可賀

兩軍相當有霧即日有微雨者客勝霧而不再主人勝

占變載占占崇霧

霧已除而氣彌天者賊多晴明者賊少

凡太蒙連三日狡猾起

大霧連綿帝室將衰臣下權盛兵及土地

凡霧不霧主軍尋路不出三日披甲而趨

上不明國大淫則霧若脂夜汚人衣或黑霧成陣

往來並主太兵為咎又主胡賊為咎

赤霧如塵沾衣冠亂兵起

凡霧不濕衣如此三日主兵大敗也

軍中氣非雲非煙非蒙非霧形如禽獸主人忌之

凡霧氣四合有虹各見其方隨四時色吉非時色

凶

白虹出霧中奸臣謀君擅權立威又曰虹出霧中

其年兵起

晝霧白虹君有憂夜霧白虹臣有憂虹頭尾至地

流血之象

天久不霧者主士卒欲謀叛宜先賞賚以安之

四孟月有霧主年豐四仲月有霧主好田禾不能

結四季月有霧主來春大旱

凡霧春以甲乙寅卯日氣色青出東方向西行者
客勝

夏以丙丁巳午日氣色赤向西行客利主人凶
四季以戊己辰戌丑未日氣色黃向北行客利主
人內亂

秋以庚辛申酉日氣色白向東行客利先舉兵勝
後舉兵敗

冬以壬癸亥子日氣色黑向南行客勝

春三月清旦霧起再沉過三日見命曰三帝謀兵不

出六十日兵起

夏三月卯時霧起再沉至三日不出二百日兵起

秋三月暴風甚雨霧朝夕見至三日不出一年兵起

冬三月疾風暴雨狀如大雪至三日見不出百日兵
起

春乙卯日霧兵起東方一日甲乙日有大霧主
百日內見

夏丁卯日霧兵起南方一日壬九十月內見

秋辛卯日霧兵起西方一日壬三十日內見

冬癸卯日霧兵起北方二月內見

凡甲乙日霧人疾病丙丁日霧旱戊巳日霧土功

興軍在外有拔城庚辛日霧有兵壬癸日霧有水

凡子日有霧馬馳人走四時同然

亥日有大霧從子卯上來賊至邊城急防之

戊午日霧起累日不解兵起若兵在外有攻戰

十月壬癸日霧赤色其地有兵

冬三月庚子日霧兵革滿野

四時受商之日夜半大霧至日中者兵大起若三

日或七日內有雨即解

八魁日陰霧兵大起春見秋發夏見冬發秋見春

發冬見夏發霧在其軍中則其邦君死將軍罷春

巳巳丁丑夏壬戌秋巳丑丁未冬壬寅是也

占虹蜺

茅子日吾聞之陰陽之氣和則為雨露怒則為風

雷散則為虹蜺虹者攻也陰氣攻陽氣也蜺者嚙

也災氣傷害於物如有所嚙也序其占于左

雄為虹雌為蜺色鮮明者為虹暗者為蜺又曰見

於衝曲而青者曰虹見於日旁白而直者曰蜺虹
蜺主內淫主惑心一曰樞星之氣散為虹蜺斗之
亂精也斗失度則為之又曰填星散為虹蜺又曰
清明後十日虹始見小雪之後虹藏不見一曰陰
陽不和虹出五墓之上防前後有伏兵
虹凡相有五蒼無胡者虹也赤無胡者蚩尤旗也
一曰白虹赤虹如氣者名曰蚩尤之旗主大兵起
於所起之方白無胡者蜺也衝不屈者天杵也直
上下不屈者天棊也此五虹以甲乙日出東方人

饑丙丁日出南方大旱庚辛日出西方其邑多空
戶五步六死人壬癸日出北方人相食戊巳日出
中央若西南方人君凶
立春四十六日內虹出正東貫震中春多雨夏多
火災秋多水民流亡冬多海賊
春分四十六日內虹出東南貫巽中春大旱災起
立夏四十六日內虹出東南貫離中大旱災
夏至四十六日內虹出西南貫坤中有水蝗蟲為

立秋四十六日，內虹出正西，貫兌中，秋有水，有旱。
一曰：立秋後，虹出西方，萬物皆貴。

秋分四十六日，內虹出西北，貫乾中，秋多水，賊起。
立冬四十六日，內虹出正北，貫坎中，冬少雨，春多水災。

冬至四十六日，內虹出東北，貫艮中，春多旱，夏火災，粟貴。

春三月，虹出西方，有青雲覆之，其夏多寒，人病瘡，赤如疫，赤雲覆之，夏旱，黃雲覆之，夏小旱，五穀半收。

白雲覆之，夏多大風，人疫，黑雲覆之，夏多大水。
夏三月，虹出西方，有青雲覆之，秋多寒，民病瘡，赤雲覆之，秋旱，黃雲覆之，禾大收，白雲覆之，秋多太風，黑雲覆之，秋多雨。

秋三月，虹出西方，有青雲覆之，冬多寒，人病瘡，如疫，赤雲覆之，冬大旱，黃雲覆之，冬米大賤，白雲覆之，冬多風，黑雲覆之，冬多雨。

冬三月，虹出西方，有青雲覆之，來年春多寒，人病瘡，如疫，赤雲覆之，春旱，黃雲覆之，春雨調和，白雲覆之。

占虹鏡

之春多狂風黑雲覆之春多雨水

虹出南方無春夏秋冬所見之處風雨不時不出
三年大饑百姓流亡不歸

虹出北方無春夏秋冬所見之處陰陽不和風雨
不時冬溫夏寒小民怨恚五穀不成其地大饑大
旱三年哭泣相隨一曰太旱二百八十日民大疾
疫

虹以四五月出西方麥貴七八月出西方粟貴
九月出西方大小豆貴十月出西方稻貴十一出

倍再出再倍五出五倍民流千里又曰虹以十月
出東北方若東方其邑亡

虹蜺且天下有大戰一曰后妃陰脅天子

二虹並見兵起期二年

九虹俱出五色縱橫妃后相爭女謁盛行天下交
兵

二虹屈出其下大戰亡城

五虹並見天下大亂兵起天子黜期三年
方虹見有暴兵起

屈虹東出下有破軍殺將

日旁有屈虹下有大戰流血

虹出日暈中有拔城

虹出橫至上反入直而不曲不出九十日城中多

病死大旱民流亡

虹直上行所出之方大旱民多妖言病死

虹三日不散不出一年大兵起

青虹東西極天兵起

赤虹宜賞士卒

赤虹從天直下國亂無主

赤虹如杵將死君亡流血成川

赤虹冬出其野有戰糴大貴

赤虹與日俱出其野有急兵所臨之國有憂不可

舉事用兵

白虹見諸侯兵起百殃之本衆亂所基

白虹出其年有兵又曰其下流血當其城城必空

白虹如杵萬人死其下

白虹首尾至地有流血

白虹暮出國易政

白虹夜出其年太兵起

白虹從地中出其地大饑有太兵流血

白虹分裂為四五段大戰流血

白虹長十餘丈大如杵上下銳或直或曲皆為大戰流血從所指擊之勝

白虹屈曲見城上有太戰

白虹繞城不匝謹守其關

白虹出軍上軍中有亂

秋三月有白虹出西方兩軍相當急陳兵以待之若赤氣衝之必有獲城
紅虹大凶

虹蜺狀如日月暈必有破軍先起者勝

虹蜺五色重疊光照地所出之處兵起

蜺見九重圍日大將死一日天下將大亂

兵行之次虹貫路邊前有伏兵

虹見城寨可攻之

虹直入來為疾疫青虹主軍瘴急移營避之

占虹蜺

行軍有虹橋攔路兵當不久却回

虹入軍井或似鼠形見營上交戰大敗

虹如象鼻主兵起流血

虹如暈或如弓形若白虹形續斷又兼五八見於

城營者有血光

攻城有虹從外入飲城中者從虹攻之勝

曲虹入城城可屠

軍行之次有虹橫於前當即駐兵鳴金吹角以饜

乏待虹滅進發

軍行見長虹在軍前飲水兵馬若從所飲水處渡

河大凶即軍却退五七里住營虹滅進發望別路

避虹先飲水處濟軍吉

虹從營中飲水流血荒墟將軍死移之吉

虹自井中出或自外入井中其邑有兵不則有盜

賊相殺之事大災

夜間虹犯北斗口若拖錦之狀三日內必有敵人

素裝假作使命來入營作內應宜令精兵伏於帳

內待之必擒其將

占霞

茅子曰吾聞之霞者天之客氣所結暫爾而生暫爾而滅長尺餘丈餘十丈餘勁而有力若杓槍遠擲之狀是也與雲氣不同故占雲者歸于氣而霞則別次之

霞貫日月貫三垣北斗二十八舍列星以其日月星辰所臨分野所生休咎若凌犯白黑青紅並主風雨應於三日之內赤霞白霞貫日下欲害上下必有憂王者惡之

黑霞貫日君有憂大雨解之於三日之內日之上下左右見者主大風作色慘者亦雨之象

黃霞紫霞貫日者喜變成災咎為兵為變亂白霞變亂勁銳若正帛主起之方有兵大風雨於三日者解矣

赤霞白霞貫月大臣災后妃災將軍災有戮者黑霞貫月大雨以民災久陰雨則解

占雨雹

茅子曰吾聞之山體陽通於天氣出雲霧以成雨

雨凝曰電，電雨水也。陽氣盛，陰氣脅之，不相入，則搏而為電。陰氣盛，陽氣薄之，不相入，則散而為霰。故電者陰脅陽也，霰者陽薄陰也。吾總而次之，為雨電。

凡雨作於四時，王相之日，草木榮茂，死囚休廢之日，雖雨不生，物。

凡四時卯日雨，穀貴。

戊午日雨，霖三日，止其下大戰。

乙卯日雨，旱兵起東方；丁卯日雨，旱兵起南方；己

卯日雨，旱兵起中央；辛卯日雨，旱兵起西方；癸卯日雨，旱兵起北方。

雨三日以上，時刻不巳，有陰謀。

正月，一日雨從西方來，兵起。

二月，九日至十五日，當雨不雨，兵起。

三月，九日至十五日，當雨不雨，兵在外者罷。

四月，二十一日當雨不雨，兵起東北千里。

五月，十一日至十七日，當雨不雨，西方千里外有兵喪。

六月二十七日當雨不雨人饑

七月二十五日當雨不雨兵起外國

八月晦日雞鳴雨兵起一日夜半雨所在寇盜

九月十二日當雨不雨民多死

十月三日當雨不雨兵起西北方

十一月四日當雨不雨魚行人道

十二月四日至六日當雨不雨大旱

正五九月殺在丑二六十月殺在庚三七十一月

殺在辰四八十二月殺在辰以此日雨所建賊犯

期六十日

恒雨看貌不恭陰謀于上

天久不雨兵殺相仍百姓勞怨天久陰不雨主上

卒謀將軍

連陰數日不雨主下謀上

攻寨連日不雨者宜退兵

雨終日不停縱主災

細雨沾衣者名曰沐浴兵大吉

雨不沾衣名曰浴衣大凶

凡軍行雨從後來沾衣者得天助必勝
雨忽晴主兵強心堅能殺賊

無雲而雨君敬不肅國有兵災一日軍出逢之其
軍必不還一日無雲而雨是謂血雨將軍當揚兵
講武以應之雨大軍中尤甚者將死軍敗一日雨
從雲降猶子生於母臣命於君也無雲而雨則母
道絕君德失世多災

雨驟水溢百姓怨恨兵起作亂
秋陰常雨君比淫朋刑濫兵起

雲四合雨不勝於日色不雨雨亦無多

兵始發遇雨驟急立地成泥曰淋屍宜駐師勿進
兵行日微雨即止名潤軍所向大利若半晴半雨
霧氣迷者須詳慎勿輕進

連日半雨半陰晴營內有奸人謀叛

子日東風卯日雨丑日東風辰日雨寅日東風巳
日雨卯日東風午日雨辰日東風未日雨巳日東
風申日雨午日東風即日雨未日東風申日雨申
日東風子日雨酉日東風丑日雨戌日東風寅日

雨亥日東風辰日雨

甲子日雨丙寅日止乙丑日雨丁卯日止丙寅日
雨夕止丁卯日雨夕止戊辰日雨夜半止巳巳日
雨立止庚午日雨辛未日止辛未日雨戊寅日止
壬申日雨即日止癸酉日雨甲戌日止甲戌日雨
即時止乙亥日雨即日止丙子日雨辛未日止丁
丑日雨夕止戊寅日雨即時止乙卯日雨立止庚
辰日雨即日止辛巳日雨癸未日止癸未日雨甲
辰日止甲申日雨即日止乙酉日雨丙戌日止丙戌日

雨夕止丁亥日雨即日止戊午日雨庚寅日止巳丑
日雨壬辰日止庚寅日雨即日止辛卯日雨即日止
壬辰日雨辛丑日止癸巳日雨夕止甲午日雨即日
日止乙未日雨丁酉日止丙申日雨巳亥日止戊
戌日雨辛丑日止巳亥日雨即時止庚子日雨壬
辰日止辛丑日雨壬寅日止壬寅日雨即日止甲辰
日雨即時止乙巳日雨丙午日止丙午日雨即時
止丁未日雨即日止戊申日雨庚戌日止巳酉日雨
辛亥日止庚戌日雨即時止辛亥日雨癸丑日止

壬子日雨，丑日雨，卽時止。甲寅日雨，卽時止。乙卯日雨，丙辰日雨，丁巳日雨，卽時止。戊午日雨，卽時止。己未日雨，卽時止。庚申日雨，甲子日雨，卽時止。辛酉日雨，卽時止。壬戌日雨，卽時止。癸亥日雨，卽時止。

子日雨立止，不止寅日雨立止，不止卯日雨立止，不止辰日雨立止，不止巳日雨立止，不止午日雨立止，不止則十日陰未日雨。

中日上，不止戌日雨立止，申日雨夕止，見日，不止久陰。酉日雨立止，不止久陰。戌日雨立止，不止久雨。亥日雨立止，不止久陰，此其大槩也。

春，雨霽寒，不降夏，雨霽臣作，奸民饑。一曰夏，霽傷禾稼，所傷之方人，不平之致，有兵相敵，當順風者，勝逆風者負。秋，雨霽臣逆命，九月雨霽，不利牛馬。至地不化，臣爲奸，冬，雨霽天不順，凡雨霽所起，必有欲怨不平之事。一曰大臣殃，故霽皆冬之愆，陽夏之伏陰也。

兩軍相持而雨，電視風雨之所發，順擊之勝，
三行而雨，電天不順也不避必敗。
電下毀瓦殺雞犬牛馬，臣不用命擅作威福，
電下如積雪，臣謀弒逆，
電下如積冰，將相為逆。

占雷電

茅子曰：吾聞之雷者，天地之鼓，人君之象。入能除
害，出能興利。為天拒難折衝之臣，傳曰：雷者陰陽
和合，震動萬方。春分發而秋分藏，非時而鳴，軍破

國殃。又曰：雷應其候，使屈者伸，奮者舒。此天威之
喜也。震不應，候傷人擊物，此天威之怒也。逢彼之
怒，必重以為戒，而恐懼修省焉。至于霆者，急雷也。
陰陽相薄，激而為霆。霹靂者，金氣也。霹者折也。霹
者歷也。言所歷皆折也。震者戰也。所擊輒破，若攻
戰也。至于電者，陽精之發也。陰陽擊，羅熱氣散而
為電。故差次其雷而霆，與電附焉。
非時雷賊臣起。

凡雷聲初發和雅，其歲善。雷聲激烈，歲惡。人災。

春雷不發，秋雷不藏，兵起國亡。
春雷起于東方，五穀皆熟；夜雷半熟起，南方歲小；
早夜雷大，早穀倍貴，禾不成起，西方禾半熟，多蟲；
一曰其野有暴貴牛馬，大災；夜雷，五穀蟲災，人多病；
一曰穀貴太早起，北方海溢，川湧，五穀不成；夜雷，
百川皆溢起，西北方牛馬疫，國有暴驚，民滿野，赤地千里。
春不雨而有雷音在地中者，其所往兵起。
春二月四雷，歲大熟。

正月建寅為震，鬼門。正月雷鳴，謂之失時，主疾病、
死喪，五穀不熟，應在所發之方。

三月雷鳴，秋多盜賊。

夏三月雷不鳴，五穀不成，人多疾病。

秋月有暴雷為天收，百穀虛耗不成。

九月雷穀貴。

冬月雷鳴，陰極生陽，臣下叛逆。

冬雷震驚，萬物不成，蟲不藏，兵起。

冬雷上朔，其國亡，所當之鄉骸骨盈野，夜雷尤甚。

冬雷屈折不及三年天下更冷

冬三月有大雷聞千里國君出走

冬三月雷鳴兵起利客不利主

冬雷而有星其下胡夷之王死中野又曰國主死其所

冬至日雷天下大兵起盜賊橫行雷雨大作不出五年國亡凡冬雷者陽氣不藏也各以雷鳴之日知何方亦曰各以兵辰為方

春三月甲子乙丑戊寅辛卯戊午之日有雷擊物

其地有大兵雷大兵愈甚

春夏甲子丙寅戊子之日有雷擊物兵在外則有

大戰無兵則兵起期不出三日

春巳丑丁丑夏甲午壬戌巳亥丁未甲寅又曰春

戊寅夏戊申冬戊子日不雨而有雷電其聲光所

及有死將流血

夏甲子庚寅辛巳日雷蝗蟲生

夏三月甲子乙丑戊寅辛卯之日有疾雷大風有

軍在外大戰圍城城壞無兵起

秋甲子日雷歲大凶庚午日雷其地兵起不出二月

秋三月庚子日雷有惡聲兵起不出二月
冬庚戌辛亥日雷正月米貴

甲子日大雷不出其月兵起
庚子日大雷不出二月有惡令亦為兵起

戊子日雷電易主以其日入月深淺下日當二月
或當一歲必有亡國一日戊子日雷雨三日止其
下大戰不雨而雷外兵必歸兵起必阻

庚午日大雷不出其月有兵

入魁日有疾雷大戰大風起有急令八魁日見
霧後

子曰雷聲不時讒臣在君側又為兵喪子中有危
月燕燕主巧言故稱讒子中有虛日鼠鼠主盜賊
故稱賊子屬水水屬貪狼主兵子為果星主喪丑
日雷聲不時天子巡幸將相遷易有兵起丑為勾
陳天子儀衛丑為牛儀衛遇牛故將巡幸牛為將
相雷以動之故將遷易丑為金庫庫動兵出

寅日雷聲不時胡兵起人太災妖言惑眾津梁不通寅爲燕分故胡兵起寅居艮艮爲鬼門故人災寅有箕宿爲口舌故妖言惑眾又爲析木之津故津梁不通
卯日雷聲不時王者太子災庶子后災卯有心三星爲王太子庶子房爲后宮故當其災
辰日雷聲不時有兵天子不安有失土之憂辰有角宿角主兵辰爲龍龍遇雷則動故天子不安辰爲水土之庫故有失土之憂

巳日雷聲不時蠻夷動長沙吳分兵饑凶巳中有長沙星故云

午日雷聲不時天子淫於倡優奢侈無度天怒而火災時作午有張宿爲文繡樂府又爲鶉火故火災

未日雷聲不時大水巫蠱作大臣受誅王者庫藏水災歲凶未有井宿故大小井有鉞星故大臣受誅又有鬼宿故巫蠱作鬼宿積金錢爲庫藏未爲鶉首故庫藏火災鬼有積尸氣故主兵疫人死如

山
申日雷聲不時主兵革擾亂將相災危申有參宿
主兵所震之方兵動參爲七將故災及之
酉日雷聲不時外夷入國西戎燕趙有兵寇邊酉
中天節主蠻夷昴爲西戎畢爲邊兵燕趙分野故
云
戌日雷聲不時王者遷宮室土木興邊兵起火災
戌爲樓臺震主動故遷宮室戌中有奎奎爲武庫
爲封豕故邊兵起又有土司空故土木興戌爲火

庫故火災

亥日雷聲不時有水災暴寒殺物兵革饑饉亥爲
六陰之極故水寒居乾屬金故殺物兵起
雷聲應候當師出日時而鳴天昭其威兵必大勝
雷聲起乾方人多疾疫起兌方兵水爲災金鐵貴
起離方火旱生災起震方人死歲豐起巽方螟生
傷禾一日雨電傷五穀大風起坎方水災歲凶起
艮方米貴人死起坤方蝗生米貴
非時之雷以所震之日時候其災福

非時雷擊為妄擊獄寃政濫饑疫兵災所發之方
為兵所起所往之方為兵所討發於東南東南兵
勝發於西北西北兵勝風勝者尤吉
雷連連日不止為長擊謂之失信政猛令急民怨
盜生

雷先震而電後陰盛陽微賊臣欲起殺伐弑奪
無雷而雷下聲為寡助曰天鼓兵亂國危大兵起
於所發之方秋冬尤惡又曰無雲而雷曰天鼓當
有暴兵又曰天鼓有音如雷非雷音在地而下及

地其所往者兵發其下

雷震官府為天怒政事不公

雷震宗廟為天厭血食不久

雷震宮殿陵寢倒者國有謀逆社稷成墟

雷震貴人之殿小人持政地削君亡不出六年

雷震地裂大臣專恣士庶分離國且敗亡

雷聲不發君當振威武

軍發之日雷鳴坎上我凶若居我軍中大吉冬三
月忽雷鳴者客軍利

軍發之日忽雷鳴一聲不宜進軍

軍行或對壘有雷從我軍起入彼軍中大戰大勝

從彼軍來我軍者敗

軍行日風吼雷鳴三五日血戰

軍行日霧起我軍雷逐其後此天神助也大勝之

兆

軍中尤多迅雷者其軍罷

軍營上雷鳴一聲有勅命至

軍帳上忽震雷一聲宜搜奸伏

營上有暴雷霹靂主兵大敗

營上忽聞聲似雷鳴者有戰爭

雷擊樹木及諸物在彼軍營難與敵

圍城過旬無雷雨者城中有輔佐人宜審之

城邑上有雷非雷有兵爭

大雷而風雨具至者亂令大作百姓搖動

霹靂擊宮大夫謀逆不出五年交兵流血

霹靂擊宗廟是謂天戒人君暴亡不出八年削地

奪國

軍中有霹靂聲士卒謀反

先電而雷隨之者正先雷而後電者陰盛陽也人君失德賊臣將起

電而無雨或電如聚火人君絕命

電光晝夜燭地三日不止其所發處起兵

雷既息或雨不再而電發於潭洞溪壑之中者龍所為也不占

占霜露

茅子曰吾聞之露陰液也和氣凝露立夏九十一

日涼風至萬物始實白露降露凝為霜寒氣從地升也霜者陰精也季秋始降北斗當崑崙之上氣運注於天下春夏為露秋冬為霜其占有切于兵類序之

軍中霜成芒角遍於旗鎗之上不可動兵

霜下有聲外兵來伐

霜晝下刑罰妄濫宜省察軍情

霜不降者天氣不下施也君不恤民之象其占為旱為火災

霜不殺物主來年蟲害五穀大饑
正月霜不着物見日不消主五穀百物不實牛馬
多疫死

夏霜君死國亡冬三月無霜來年蟲害五穀
王者德至大和氣盛則甘露降而年豐

露黃色其甘如飴其膏附木樹非甘露也其名曰
爵飴乃君恩露不常民不以恩露為貴失於濫賞
主為災叛兵亂
天高無露旱災太露潤物主歲收

占冰雪

茅子曰吾聞之冰者陰之盛而水滯者也雪本雨
也寒甚而空中風結之以成雪過多或非時則為
災故皆兵象也次其切者

水以春水歲凶兵起水以夏水歲饑民流胡兵起
人主憂水以秋水人憂兵起水冬不冰為饑為兵
為疫

水三月至九月有水兵起

雨水水陰氣脅水先寒得雨而冰水水名水介

介者甲甲兵象也有戰
凡雪非時兵革將興敗亡之兆

春雪不消外戚專政天下饑民死亡

夏雨雪大兵起君死國亡司馬為亂

秋雨雪兵起歲饑民多死一曰有奸賊

冬無雪五穀不成民多災

冬雪盈尺來年大豐

正月雪三日內消歲成雪七日不消大臣下獄

穀不成又曰臣有不奉主命者

二月雪七日不消大臣死牛馬傷夏秋民不安

三月雪經日不消人相食大臣憂

一頁... 武備志卷一百六十七

